

ديوان خريف ملعون

للشاعر/ محمد زايد



حقوق الطبع والنشر محفوظة
لدار الأديب للطبع والنشر والتوزيع

دار الأديب للطبع والنشر والتوزيع	اسم الدار
خريف ملعون	اسم الديوان
محمد زايد	اسم الشاعر
(٢٧٢٦٥ / ٢٠١٩) بدار الكتب المصرية	رقم الإيداع
دار الأديب للطبع والنشر والتوزيع	الإخراج الفني
من تصميمات الدار	الغلاف

Facebook: Dar.Aladeb

Email : daraladeeb@Gmail.com

Tel: 002- 01014449164

أميرة لوتسمحي ..؟!!

أميره لوتسمحي متخرجيش
بكره السبق استعدي مترديش
وخلي بالك من الأمام للخلف
لسه الحمام في الغيه !!..

والقلب من نبضه مالي النيه
اولادك متعلمه الصبر والملاغيه

بين الدروب وعلي سرجه
صغير او كبير من نهجه
صغير الولد لو كح كحه
يومت الغشيم علي خرجه

وزين البنات وقدها زينة الحياة وردھا
وضي السنين ضيھا وقلب الحنان قلبھا



مين صلي وصام فرضها
لمس الهرم شعرها...!!
والأرض بتمدها بتوبها تحميها
سمع القمر صوتها غناها

صبحت شمس الصباح ع نيلها
متبرجله في توبها وتزينها
شكر النسيم حمده وتسبيلها
تبكر سواقي الأرض وتشده

قالت للأرض تتدفا وتحميها
هبة الإله للدنيا تشهدلها
تموت الحياة بعدك ياأميره
اوعاك السبق يفلت



تموت الشمس والقمره
تموت الأحبه بناتها وأبكارها
او عاك يا أميرة الكون تتخلفي
إنتي ربيع الحياة وأفكارها

حضنك سلام قلبك هيام
وعلي كفك بتعطي الكريم
ماتلومي حتي اللئيم
من صوتك تهدي الطيور أرضك

وتصوني العهد بروايتك
قلبك مها يبشرح الأوطان
تمر المزن في الفضا رضا
تزود الفضا ورود علي أغصان



متخرجيش م السبق !!!

انتي المرام اللي أمام سابق
سجل النخيل علي توبك

إسمك يا مريم العذرا عندنا
سيدنا ابراهيم خالنا

وجه دق الليل علي بابنا
ونبي الله موسي علي طورنا

دك الجبل عنده خر وصعق
في رسالة موسي طالبها



تتوه الأرض لوجه بعيد عن دينها
وتتوه البشر عن أرضنا وسنينها

نسيوا ان الأنبياء محاسبيها
إدخلوا مصر إن شاء الله آمين

وتعيشوا وتاكلو من خيرها
متخافوش الرب حاميتها ومحاسبيه !!!



نبتدي منين الحكايه ..؟؟

الدنيا دواره زي القمر في الفلك داير
بيحي عليه يوم ويتخسف ما بيطولش
مش زي البشر ميتلونش
صنع الإله قاصد تحجبه الشمس

ولا مكياج صنع الإله خالق التلوين
ابيض واسود ومايلونش
لون القمر ولون الطين
ومنها بيطرح زهرة الياسمين

واحنا البشر مكايل قدرته في كونه
مره نزييف خلقتة
ومره نزييف حتي سنين
متزعلوش يا اهل الفضفضه



دا كلمتين في الفضا
واحنا في الهم مبتليين

نعبي الفضا فضفضه بالصوت والصدي
بالحب والتلوين لكن النوايا موصده
مالبودره والمساحيق والليالي المقبله
وضحكة المساجين الرعد قال للفضا

خدوا مني برق ولون سبع خطوط متلونه
مش بدره اومساحيق الوان الطيف المبهره

في القدره والتكوين هيا الحياه مترفه
ندهنها بالمساحيق

داحنا غدانا مش عندنا
وغدانا عند ناس تانيين



تبقى المصيبة منا
والتهمة عند ناس نايمين
قلب الحبيب الصبي فتح وقال للنبي
الجيل اجيبوا منين

والبنت البكاره متزينه
اولها روج وأخرها تلون الخدين
ياللي بطبيعتك الحلوه
بتعجب ناس تانيين

لا بتعجبه البودره ولا بيعجبه التلوين
خليك في دنيتك سالك
واتمني تبعد عن التلوين
وابتدينا ودي الحكايه والرك ع السامعين



حكم الحياة !!..

ياااه .. ياولد يا شقي ..

الليل وآخره للمجروحين ضني
ولافيه أبدا نوبات حنين بتهزني
قالوا وقلنا المستفيد بيضرني

ولا شئ في الحياة بيهمني
في الأول والأخير انا واد الشقي
ولما الباب بيشق قلبي الموصودع المبتغي
الفرق إيه من واد غبي أو شقي

الحظ طافح علي البرور للسرسجي
قولوا عليه في حكمكم انا واد غبي
ودا شرعكم وفي حكمكم المستطاع إنني واد شقي
وايه يفيد انك تقيد النار من غير سبب



او حكم البراءه لسجين مات من غير سبب
والمستطاع المستجد في العمل حكم الحياة!!
امه خاويه تجوع عيالها وتخون النسب
الموج لو علي عليك ارخي القلوع من الهروب

قالوا الصبر مفتاح الفرج
فين فرج دلوني عنه من زمن محتاج الطلب
ولما الصبر وصل المحال ضرب المحتمل
هو اللي بيربي الصراع علي هيئة انك حمل

ومنين أجيبك صبر يرد المحتمل
او اصبر الصبر للشوق معاك يبرد المنتظر
فين المنتظر لما الصبر فات وودع سنين الحر
وانا مااحتكمش علي دمعتي لو برد البكا في مقلتي



ولا حتي الانين ساعات الشوق ع الشقشقه
وان جاز عليه توزيع منابي في الزكه
منتظر ايه بعد العذاب والبغده
قالولي الصبر مفتاح الفرج

صابرين يارب ودي حكمتك ع البهده
ولساه بيحمل الولد ذنب الضياع والسؤده
وذنب تأنيب الضمير علي عمر راح في المساله
فمتسألوش إذا كان دا ذنب الغبي أو الشقاوه
كانت في يوم مطلبي ..



إنّتي مين ..؟؟

إنّتي مين أحسن ناسيك
إنّتي جني جوه نيني وألا مين
إنّتي مين مش مقاسك
إحساسي بمقاسك جوه ناسك

توهني يادوب يومين
يوم ماجه واطي وداسك
وعمل من قلبه لباسك
وقال كمان عابد وناسك

توهني يامه عن لباسك
لم رفع ريات الحداد ،،!
وقال عليها ريات الجهاد
علا كتابه بالسواد،!



إنّتي مين بافتكر نسوني يامه
أصل مراية الحب عاميه والانايمة

بفتكر من ألف عام
وأحنا بنحب الغلام

والزمن من حبه عام
عام علي مر الزمان

رخام واقف طول الزمان
فكروني ياناس هيا مين

حد بينسي أمه إلا خاين
أنا مش ناسيها والله حزين
لما تبقي الأمه أم الخالدين
لما تبقي القبله قبله للسايرين



والله عارفك ولا انسي فضلك

بس سؤالي ..؟

بسأله يمكن ناس تتوه تسمعه

يام ريف يشق ف مداينك

ولو يوم زعلت منك بدلحك

ولما أحزن عليك ابقى صاينك

يام الضل نازل ليل ضفايرك

أرضك الضله في سنايلك

تحضنيني والعن اللي خاينك

نقشة الحنه في إديك

ولسه شايفك ومقبل شفايفك

وأما بانه تسمعي من جوه قلبك

إيد هتبني وإيد بتحمي فحدودك

وفي حدودك كنت جندي وامدحك



فكريني يامه وللمي

زرعتك !!..

إكتبي إسمي لويوم فديتك

إكتبي عني ع الملاء إني إبنك

وضحكتي يامه من ضحكك

لساكي صابره علينا ،،!

جمال الدنيا في عنيك وطلتك

طلة سلسبيل لو مال يميل ع وجنتك

كل كلمه في دفتك بيذكرك

ويفتكر ناكرا الجميل بقدرتك

إنتي مين قوليلي فهميني،



فاتهم كل شئ أنا فاهم قوائتك
بس بحب اسمعك

ياستي وتاج راسي باسمعك
ولما تحكي علي صوتك...!!

خلي الخلايق تسمعك
أقولك أنتي مين علشان تعرفي

أم الخلايق كلها
إنتي خالة العرب كلهم

أم الصديق والرفيق...!!
أم المداين والكنائس

أم الجوامع والمراضع واللي ضايع
أم المعاكس والمخالف والمحالف



إنّتي صانعه لكل فاس!
انت عالمة للعلوم والفنون

إنّتي دايّنه وكله مدين
أقول كمان إنّتي مين..؟؟

إنّتي دنيا حامله دين
وفي رحابك صلوايا محسنين



حي علي الفلاح !!..

صوت الأذان بينادي حي علي الصلاة
حي علي الفلاح يدوب تلحق الوضوء

وتصلي ركعتين يحوامن عالجبين
وقت الحساب والفني

يدوب تلحق تتوب يامعذب كل القلوب
بالظلم وبالعقوق وقادر ع الأذيه

بالمعني وبالإشاره توهتونا بغمامه
ياباصم بالإنابه علي قلب ناس غلابه

في دفتر الحكومه إيدك سابقه عملك
وشادد من ضميرك كل اصول الغباوه



ياناسي أصل دينك الظلم يوم يشينك
مالصبح للغروب ضميرك متباع لغيرك
وهتندم يوم يدينك

وجينا والا روحنا بالإيمان نداوي جروحنا
والحب يكون مصيرنا

ياخلق ياللي ماسكين أمورنا
العدل راح يثورنا

بتحموا في الأرض مين
مين يطبب جروحنا

من الجرح اللي ف قلوبنا
واللي يداوينا مين



حي علي الصلاه حي ع الفلاح
اللي هايقيم الصلا مين

بالتقوي والضمير تصلح حال أمورنا
نرسم لينا صورہ بالسنت والمازوره

بناتنا والذكوره والصدق لينا صورہ
حي علي لصلاه حي علي الفلاح

القلب العاصي تاب واللي ماصلاش العشا
عشش الطير ع الشجر والقلب اللي هجر

والبدر في ليل السهر
والزرعه البدري للي بدر

ما الصبح للغروب
طول عمرک مهمومه يامي



وهمك هواهمي وخالي وياعمي
تقسي سنين علينا وقلبك ساعات يضم

وتلممي العيوب وانت ياست انتي
مهماتقسي علينا حنانك جوه دمي

من الآخر الإسم أمي ولحمك هو دمي
غلابه يا مجروحين اللي يداوينا مين..؟؟



منبع الحنين !!..

منبعك وطينك حنين ودين
عرفت من نيلك سنين
سدر الحياه والتين
ماعرفت انك أنين كلك حنين

بذرة حياه ورداء ودواوين
قلبك وداد وإيدك زاد
ومداد قلبك يوضيني
ومداد قلبي من الألم يبريني

سكة العاشقين
أرض الميعاد وانتي علي ديني
أرض وغيظ وسكتي توديني



علي نورحلمك هذل الحمام
ورسايلي مقام لدواويني

شويه أنام وأحلم تواسيني
وأقوم م النوم نيلك يوضيني

ياست ياعشقه لغة ديني
أنا طينك انا زرة فداينك

أكل أرضك بمواويلي
أطبب علي القمر يسهرني

تصحيني رموشه تواسيني
علي ضهر الحياه بالنيه تلاقيني

أشعاري زجل ومواويلي
رحال تحت سماكي تراعيني



وتحت دراعاتك تدفيني

راسمك علي نولي

راسم ضفايرك في جلايبي

وبياض قلبك وفساتينك ندي سنينك

جناين زرعك وبساتينك

علي أرضك السوده وسنينك

علي الرمله سهول سينا

علي شفاف بدرك علي نيلك



جدار قلبك !!..

ترنيمة ملايكه في تلابيك
أنا الإنسان عطشان وحبك يداويني

انا العاشق انا الراهب انا الناسك
انا قربك انا بعدك نسيم ليك
ما بين الآه والآه بحبك
ماهما انجرح من محبتك

علي سنك صلاتي وركعتي لله بتدعيك
سواح بلقمتي وإيدي حي علي الصلاة مداح

غيظك وأمحتك نيلك ضحكة شفايفك
وضيا قلبك بيشفيني



ولو يوم شفت ضباب قلبك

كأني مش شايف دواوينك

ولالونك ولا طعم الحياه

تجيبيني توديني حنان قلبك بيشفيني



مد إيدك تلاقيني !!..

من سنيين العمر بنأسي

والعد والمد من كاسي

والمر يمر علي فاسي

ولاحد يمد الإيد يلاقيني

تعبت من مدة الإيد في سني

هاتعودي ياملامحي خيال من همي

بتدور علي وهمي ولو جيتي

وبعثتي الأمل تاني دانا محني

وعودي ناي بيطربني علي حزني

بيريحني أنيني ساعات ومستني

الإيد تمد الإيد وتحويني ..

يرحل دودك مش قادره من الشكوي



وأملك ياامه مايطولش
وعدالتك تنجز ومتأخرش

عاش ياامه بدون داعي
وجرابي خاوي ومش حاوي
واللقمه يادوب تكفيني
دوايا ياستي بيازيني

وقلبي عليل في تكويني
ياستي مش ذنبي أعيش العمر متكفي

وان كان ع الأمل منا صابر
بحب الأرض والرملة وبكابر
وأموت في ترابها لوسافر
وساكن في وريدك نور

ولا يحب الحيه ولا الدبور
ولا عيشة الضلمه تحب النور

مدي إيدك تلاقيني وأنا ماشي
أكيد أمن وراشش ورد ومنشي
وقلبي عليل وأنا ضامن
ميزان الحق مايماطل

عرفاني يأمي طيب فكراني
أنا الجندي في ميدانك

أنا الشاري ومش بايع مهما القهر قواني
ونفسي ياستي ألم الحبله والدايه

واشوف الحكمه بنايه الم الصبح في ضحايا
وضي الشمس في عشايا



ونفسي يأمي أعيش في الأرض متهني
أبقي الحر متوضي أمد الإيد والا اخبي

وتمدي إيديك تلاقيني أنسي أسايا وتكويني
الاقى الثوره تجمعني
وأنادي وكل الخلق تسمعي
أشوف المعني توب أصلي

في عز الحر تجمعني
أنا بانسي أسايا في الأزمه

ولم الضلمه في الحكمه
يتوه الجرح في جراحنا
الم الأمه في المحنه تكون همه
يهل الفجر في وضوحنا



وعزك ياستي نتعزما هوا قليل ومستحمل
محدث ندل يستحوز علي قوتي ونبوتي

وهاقك كلمه في ودانك
مانتي من الأول كمسؤله
تراعيني ما انا ابنك وانتي الأصل والصوره
يقوم القمح بياذن يوضي عيدانه من بدري

لافيها سني ولابني ولاالبرالي وعلمانتي
يمد إيديه يلاقيني مسيحي مسلم ودا وطني

يوضينا الندي في وريدي
وتكوينه يامه وتكوينني
مصري من الأزل فلون قمحي
بيسقيننا النيل ويروينا



وببجري دمه في شراييني

تناديننا الشمس تجمعنا

وضل القمره تسمعنا

غناوي الأرض تطربنا

وتقري كل ملامحنا

بدون ان واخواتها

ولاكان ولاأمس ولابات تزعلنا

نلاقي بعض في الشارع

وفي النادي وفي المصنع

ونقرا الكف والطالع



نلاقي الله جمعانا
انا انسان ومن غضبي
بنتعاب !!..
لاانا شاعر ولا كاتب
انا ابنك !!..
وقولي للدنيا لولا انا
تباتي انتي بميت حاله ..



جمله نضيفه !!..

جمله نضيفه وهدمه نضيفه

بتسري تملي في الوجدان

تطلع تضرب تقلب في الغلبان

الفهيمه واللعيبه في الكون كان

واضحه اللعبه وكل ضحيه يابدنجان

ناس لعيبه والناس أجناس

صنف معاه وأصناف تنداس

واصناف تانيه راضيه وقانعه

تاكل بس فتات الناس

وصنف لطيف زي الحريف



زي الحاوي وكله لسان
وصنف عفيف في الهوا ميال

وصنف بياكل حق الناس
كلمه نضيفه وبدله أنيقه

ناس لعيبه والرزق ابواب
واد بواب طالع مطلوع والناس عتبات
باب يتصدق وواد كداب
قلوب من فالصوا وقلوب لبلا

وقلوب علي حق والباقي مغلوب
وقلب لا غالب ولا مغلوب

بيعيش في الهامش لابس توب
كلمه نضيفه وبدله جديده يادوب



جوه الملعب رايج ينصب

رايج يخطب يرسم تغلب

عمال يحسب يشتم يشجب

بيكسب عطف الناس

عمال يحلب قوت الناس

كلمه حزينه وبدله مش أجناس

ناس لعيبه في الكون كان

ناس بتقش شايله الوش

تكنس قش في حق الطرش

كلمه كئيبه وبدله تغش

يحلا القلش في وسط اللمه

نازل هبش ولانور ولاضلمه



وانتي يأمه وسط اللمه
ساكته وراضيه وسط الغمه

بدلة لمة تكسب أمه
تصحا الكلمه بعد غياب

وواد كذاب يسرق أمه آه يا عذاب
واد لعيب لما تغيب الأمه

تبقى حياتنا عذاب ف عذاب
جمله وقطاعي واد لعيب

وبيتنطط وبيتشعبط وسط الناس
ببدله نضيفه وكلمه عفيفه

لكن الأصل واد كذاب !..



عشقك وطني !!..

سأبحر معك بآخر العالم
ليل ونهار ومعالم

سأضمك بين ضلوعي
واطرحك بين ظنوني
سألقي اشرايري وطقوسي
خارج دائرة الليل الحالك

كما اوحالك فكرك
واعلن ان لي قلبا شارك

كل هواء جارح خاطرتك
كل سماء سابح نهرك



يترنح باوديتي يتأجج احساسا
سأرسمك مأدبة للحب حبيبا

وسارسم كل ملامح للعشق
الإشفاهاك سادونها بلارسم

ستنطق اسمي دوما بلارسم
سأرسمك بقلبي طاووسا

ورديا أبيض ياسميننا فل
سألون نهديك بلون النهرين

وسأرسم صدرك رمل سيناء
فريشتي وطنية بخيال!
سأرسم وجهك علم
سأشطره نصفين



واقبل نسري لأمرين
اولها أنه تاجي مثلك

مثل النهرين
والأمر الثاني

ارسم قبلة تعلو الخدين
فكلما مر علمي قبلته لأمرين

زيديني سحرا وجمالا
زيديني عشقا ودلالا

إسقينني من سهل رضاك
فأرضي لشقائك بين الشاطئين



اتشاقى كما شاتى فانتى حره
وخذى معك قلبى حرا

اسقيه لأمرين
حبى لدينى وبين النهرين !!..



عاشقك أنا !!..

عاشقك أنا ولسه باقي
في ذكرى نصرك وانتصاري

ياه زمن بعيد ولساه فاكروني
وبيتجدد كل مايقابلني
ببحكلي اللي شوفته ف بحر البقر
وزميلي اللي مات ساعة القدر

وذنب مين اللي أتغدر
من أفاك لعين دمر بشر

عاشقك أنا !!..
في ذكرى نصرك بأبتهل
وأكتوبر المجيد هو السبل



حاطط في قلبي لوح من حجر
مفیش دجر شویه شرر

صغیرین میغیروش عشقی لیک
لویوم ندهتک هنلاقیک

فارده دراعک تحضنینی
حد شارینی بدم الرمال
یوم أستشهد أصبی الرجال
ودمه کان سایل ع القتال

حضن القناه کان حانی علیه
وصیتیها قلت لها إیه إنه إبنک
قطعه من قلبه الی حبک
قلتی أنه کان بار بأرضک

قلتي انه كان عاشق ترابك
في ذكري نصرك مش بامدحك

بامدح ولادك اللي صانوا عرضك
ولاجيت احاسبك مش وقته حسابك
مهما كان يوم فرحك ونصرك
الحساب له وقته يعاتبك

عاشقك أنا برغم ضررك
برغم اللي شايفه منك



ما بتسألش ..!؟

كأني مش قطعته منك
ولامرّه سألتني من جوعك

مين بيدأويك لو حسيت بجرحك
مين بيمد إيدّه وقال يعاونك

مش قاتلك مش وقت العتاب
دا ذكرني نصرّك !!!

لازم تفتكري الولاد اللي ضحوا
علشان نعيش في كل مجدك

ياأكتوبر أنا شفت إبريل بيخلك
لما رجعنا طابا يوم مولدك

وذكرى نصرى ياوطن بيخلك
وعاشقك أنا وكل الخير باذكرك

فى ذكرى نصرى باكتبك
عاشقك أنا !!..



ذكرى نصر أكتوبر...!!

من سايكس بيكو لأكتوبر

الإسم : عايش

وأبويا : ميت

وجدي: وطني العربي

من وحي بطاقتي الشخصية

عايش ميت وطني العربي

عنواني: حدود سايكس بيكو

من قلب فلسطين غزه المصريه

عربي الجنسيه

وديانتى باحات القدس العربيه

وأولادي ولدين مصري وعربي



وبناتي واحده سميتها الوحده
شغلانتي موهوم موصول بالدم

وفصيله الدم وحدود الأم
أعرق في الأرض فايتهم بوي ميت حي

وسلامة النيه تاجي
وزرعاتي عشقي وموالي

وذاكرة الأمه همي واحوالي
مهموم بالخط الفاصل والحد

كنا زمان نسمع ألحان ولاحد
كان يسمع كلمة قطر

من سايكس بيكو أرض
وأول حد يخط خطوط الأرض..!



ملعونه كل حدود الأرض
إشمعني الجد الوطني

بيسمي أبويا ميت سلسال يعني
والله مني فا هم مايعني

بتعني والابتعني وطني
كلامكم لو غريتمات
والا اكن أبوياميت وسماني عايش
والله ياخال دماغي طاجه من الموال

ياحدود الوطن العربي
ياكل الدود الموجود في حدودي

تستاهلوا خطوا عليكم حدودي
كان سماني كمان ميت



ولا علمني وخلصني اصيت
يأمي المصريه ياجدودي العربيه

ياحدودي العربيه
إسمي في بطاقتي وهوا هويه

عاش ميت وطني العربي
وابني هايسي أولاده

حدود وهويه
ولحد هزيمة يونيو

الأم والأب وأخواتي وهمومي عربيه
ومستني يجود الرحمن ليه



وأجيب حق أخواتي بالنصر
جانا اكتوبر خلي ريات النصر!

بترفرف وتزين كل العصر
وانطق اسمي في باحات القصر

يانصر اكتوبر أنا إسمي
عايش ميت وطني العربي

وحدودي المصريه واعلام النصر
هويتنا العربيه !!..



أذآن في الخلا..!!

خلخلة المشاعر في الخلا
حتي آدان الخلا مش جملجه

من غير ميعاد برجله
عارف ياولا طريق الولوله
تعرف البلا والشقشقا
ساكن الشيطان ف الخلا

نباش في طريق الجملجه
فحار المجاري والسكك

كاتب علي جبهتك مغلقة
ياسكة الهدايه والمعرفه



مقفوله ياطرق الجوامع

مقفوله يامعلمه ..

حروف الكتابه مأندله

حتي الصلاه في الخلا

عصيان البيوت وعلو الصوت

علي أشجار التوت ..

الضرب بالنبوت ..

في ارض البنا والشطوط

ومراجيح الهوا مربوط

وكلمة أنا وتفاصيل الغنا خلخله

المعضله تخلف معضله

في كتابة العناوين والنون



الشدّه والكسرّه والتّوين
علي سكة التّوين

يجري الأنين علي الحيّطان
جدار الخلّله مشكله

آه منك ياوله...!!
لوفيه حل المشكله

مش معضله...!!
الشيطان مرابط في الخلا

والديابه منتظره مجهزه
والعزا في غيطان البلبله



بس مباشر في الفضا
يامكفرين الوطن أرطن ف الفضا

مين فطن ومين سارح ف الفضا
آه ياوله من طاحونة الخلخلة

نجم وسارح في السما
مالك بتضوي بصحصحه

كفة الوطن جانحه
حتي الكفن جيوبه مش سارحه

بتنزف رصاص وانينه وجع
كل الحياه مرتجع

اعرف يا ابني وياالجدع
انك في نهاية المرتجع



إفهم القصه..!؟

بلاش تعيش سدي أوصدي

زي رنين الصوت في الخلا

أوعاك تكتب ع الفضاء

ولاتطاطي الرأس كلنا في الهوا مروؤوس

أه يامعركة الرأس والنياتي متعوس

تموت السلاالم والناي محبوس

تموت المراكب في الخلا

يموت النخل ونخاله

كتب الزمان حكاوينايه تفيد الجلجله

والكتابه في الخلا..!!



وصوت الآدان في الخلا

مدام الآدان قضا

والدنيا مش سامعه

حتي الصلاه في الخلا

كل المتاح تسمعي لوفي الخلا

كل الأمانى ممكنه...!!



آهات ..!!

من جوه هاديل الينابيع
والدنيا ربيع وأنا خاضع

كاتم بردي في جوفي وقائع
والجسم الناحل م الواقع

فيينا الدفيان وفيينا الهربان
والصوت لحد مسامعي سامع

هدل حمام وحطام لسواقي
من زمن الزيف الباهت لساه باقي
وهديل اليانييع وهديل اليمامات
باقي ..



مهما تجف بترجع تاني
ووشوش الناس الباهته

التايهه في بحور الأزمان
وأهات الوطن العدمان،

صوت ودخان بينادي
طوبتي لحافي وبردي

في الزمن الوعران
اليابس م الزرعه في الوطن الحزنان

والساقعه الفايته في التوب
واللقمه العاصيه في الجوف

في هطول المطره في الوادي!
بتعدي حدادي بتخطف قوتي



وقلوب الإفك بتحكي البهتان
ولسه الخير بيحكي قصيده
في زمن الحملان

وهديل الينايع سامع صوته
بيغني بصوت الأوطان
آهات الوطن بتسمعي أنينه

بتقرء القرآن
وأدان الجامع ع المدنه
والأزهر ورجاله الخاشعه

وترانيم الليل السحري
من جنب الجامع بكنيسه

سمعت صوت الاجراس
صحيني يأمي في الفجريه



نكتب بدواية الحبر قصيده
بتقوي الهمه..

نكتب اسامينا علي الجدران
ونغير شوارعنا بأسامي

إتحفرت في ذاكرة الأوطان
ونكتب بالحرف النادي الفرحان

يطرح زرعه أو ورده للأوطان
وبروجي يصحي الكسلان

بإدينا نمسح أحزاننا
وعرقنا يجدد أزماننا



بهديل اليانبيع يمر ربيع
ويداري كل مافينا من أحزان

وندفي الكل في بعضينا
نتحني بمجهود بعضينا

وبتأثر فينا في الزمن الحزنان
ونصلي صلاتنا بتهدينا

وبتمسح آثار الشيطان وتعرفنا العنوان
علي صدر الاوطان
تطرح أمانينا بعملنا وزرعنا
وبناء الاوطان

محتاج لرجال تشقي وتتعب
من صدرك تسقيننا والقلب حنان



يا وطني من عمري وانا باسمع
بهديل اليانبيع في الزمن الوعران

ولسه الصوت من صغري
سامع صوته في زمن الحملان

حزنك يا وطني مدفيني
معلي مقامي في زمن البهتان

يا وطني يامنحه من عند الرحمن
باسمع هدل حمامي

وهديل اليانبيع في زماني
ومستني تعلي الفرحة

في وشوش كل الجدعان..



صفصاف الخريف !!..

من غير ورق
حبة وجع ..

وقع الورق
ماحد يوم سأل

فين الخريف والا الوجع..؟؟

سالت علي الطريق
كتر الأمكنه ..

مفیش مكان
يشفي الوجع ..



والا الأنين ..

مين يسأل عالدوا

الساقية وقت الخريف

بتلف الحبال ..

عالنيل والنيل حزين

علي سقوط الورق

إتبدلت كل الأمكنه

مافضلش إلا الأقمعه

حد يقتعني ان اليوم

أول يوم في سقوط الأقمعه

أهلا بموسم الخريف ..



إيماني ..!!

إيماني بربي خلاني
انام واصحي بوجداني

لو حتي الشر يوم جاني
بلاد الحب أوطاني ..

منيش جاني ولا مجني
طول مالحب في القلوب يجري

أنا أدري ..!!

أنا من زمن معرفش اقوم بدري
وانا والعشق كام حاله بتبعدني



ساعات اقوم اجري علي رجلي
وساعات أزحف علي رمشي

الاقاني ماشي سنين عمري
علي حجري ساعات هجري

مفيش رحله تطولني
ولا بتقصر كمان عمري

أنا من طين وله مرجوعي
مش مخدوع ولا ناسي،

أنا وكياني ياكلني الدود
من عصر سليمان وداود

سنين من البشر فاتت
معدش فاضل غير الروح



ساعات حلوه وساعات بتروح
وقلبنا عايش سنين مجروح

منيش ناسي الألم والروح
ولا القلب اللي كله جروح

لكن قلبي ساعات بيئن
يجيله وقت مايرضي يكن

فسامحيني لو قلبي يضمن
ولو هجري طويل في السن

ساعات ويهدينا ربنا ونكن
أكيد هاتحن...!!



وآه ياليل يازمن !!..

من زمن وانا باحلم
بالتراب والتبر والحجر

وقصة نفر حفر الحجر
واللي بني وعلي الهرم

أه ياخوفو م اللي بني
ومن زوسر واللي تلي

ماء السلسييل يانيل
اتلموا فيك تحيه ليك

النيل بني الاهرامات
ضهر الأجير الزمهير



المشهد الأول والأخير
علي ورق البردي عحين

مكتوب علي سعف النخيل
الليل وكحل القمر شموخ

أحمر ياشجر الخوخ
الرجال عايشه في الكوخ

في عطور الزمن مكتوب
في قصة المدينة متسجله

بالحجاره منحوته ومعلنه
قهقهة غزاله معديه

علي بير غويط نشف
وطريق حالف ماييوح



سر الغناوي وقعدة القهاوي
الشرب من القله القناوي

وزرعة القمح والحنه غناوي
طرقات تنادي سراديب هناوي

والف ليله متسجله في دفتر الانكشاريه
والعجله الحريه والمشريه

وسبيل العطاشي والصبيا
وسبيل طولون للصلا والصوم

أسماء وعناوين وأشياء مبهمه
متسجله علي جناح البومه



أه ياليل يازمن !!..
الهرم بيشرب من النيل
متربي علي كنف آمون

آه ياضحكة الميمون
وضحكة السنين بالطول

بتمضع الحبيب والرضي
وتتلون الدنيا بمظهري

تشهد علي الشاهد والردي
تشهد علي أشجار التوت

في المجد والمحرات العفي
علي دمه وخدودي متحرقة



علي جرن الحصاد وغربال الكري
علي قلب السحاب العفي

علي رسمه علي القوره
بتفتش عن سر أخناتون

وزرعة الزيتون من عهد موسي
وعن سر الزمن المدفون

في محاصيل اللب والفول
تحت لسان البشر... قول

آه ياليل يازمن !!!

لسه أنين الليل بيولد الهرم
ورحلة سفر والخريطه بتترسم



بيحكى عن الوتروالأزميل

والموميا في تابوت النيل

وصدي السكوت في ندا خفرع

عيد الحصاد المجيد

ولسه الليل بيولد أمهات

من الأول للممات

وآه .. یالیل .. یازماااااان

الأمل ..!!

يالي كلا مك مغزلك

حكم الحكم ..!!

وصفارتة مقطعه

لابتهي ولا بتبدا

علشان مغزلي

يشتغل ..!!

كلامك حكم

لا انافاهم الأمل

ولا قادر اقدره

الدنيا ماشيه لورا



والا عنيا معصوبه مدمره

الدنيا صحيح منوره

وانا اللي شايفها

ظلام متبعتره

مفيهاش هوي

جه ع الهوي

ولافيه طرحة نوي

ولو النوايه بتتزرع

كان عندنا مليون نوايا

طرحت شجر

وفضلت النوايا

تملي قلوب البشر



ياليل يابو الحكاوي
قول لخالي يشبعني

محتاج لقاضي
يجدد حسابي

يجدد شعري وشبابي
يملا قلبي بالغناوي

اسرح واتوه علي نايه
يتوه الحزن علي بابه

ومواله في قلبي بيغزله
ونوله لسه في أوله...!!



سكر وعريده !!..

وليه سكر وعريده كونياك
اصل البشر بالسكر محياك

ولما المزه تتعبك
والقمر من حيله بكاك

المغريات شئ يلطشك
سكران مين هايطوحك

شعور الليل بالنهار نيمك
تتبدل معاك صحتك

السكر هد الحيل مين قومك
ماانت العليل!!..



إفرد جنتك عيشه تهد الحيل
إفرد ضلوعك مالسهر
دستور يا اسيادي..

مزه ومعاها نبیذ مغشوش
في صورة إزازه وكام ملطوش
شكلها يهز ويغشي الوشوش

إشرب يا ولدوا سكر من المغشوش
صب كاس العبر ماتحووش
وكاس مع المزيكا واتمايل

ومثل معانا الدور واتحمل
كلها كام ساعه في عز الليل



المزه خلصت وباقي كاسين
دستور يا سيادي طريقنا منين..؟؟

حكاوي الليل للسكاري أنين
تبكي الحجر وتضحك المجانين

عشره في الميه حكاوي المتهانين
مليانه القهاوي بالعاطلين

آخر الليل يبدلوا الاتنين
سكران في قهوة المجانين

ورصيف موازي متكسر
صيانة الروح لها توكيل

او قطع غيار بروحين
ناقصهم غيار للمجروحين

دستور يااسيادي
علي الفودكا اتقل من التانيين

دماغ العمر سكران وبينمل
صاحي لكن بيتجمل
نظاره سوده مش شايفه تتحمل

تشوف بيها عقول السكرانين
تلف بيها ماتدور ترووحوا منين..؟؟

تلف تمر تتدور ياعم دا بالبار
سليلة عهد الإستعمار



دستور يااسيادي باتصور
ولا إحم ولا يعرف الأسياد

بعد الفودكا كمان ويسكي
مصمم تعيش سكران

رد علينا يامفتي
قولي يجوز السكر والإجرام
يجوز السكر كل اتنين

صفار الدنيا كمان بروحين
وإمتي تجرموا السكران

وإمتي يكون الثعلب كمان ناسك
الثوره سكرانه كما ناسك



مات جيفاره وابو عزيزي
مين تاير مع الملايين

دستور ياسيادي
أسطي وبني وصناعي
بلاها دكتره ومحاضرين
بيقطعوا جتت الغلابه بالملايين
تذاكر السينما للمغفلين

انا باطوح والا انا مدبوح
عشان سكران وقلمي يبوح
اكيد سكران ومش فاهمين
شايف النص بيتطوح كما المجانين

والا انا من نوع ملوش لازمه
وضماني في السوق بلا أزمه



انا البنا انا الساقى انا الشارب
من كيعاني باكل وباتطوح

انا كرسي فيك يازمان
مع الأزمان اكون بار مان

انا الكسبان انا الخسران
مكسبي خسارتي علي شارتي
دستور ياسيادي ولمؤخذه

البلد للشقيانين في دروبها
والحر للشرقانين فيها

والأرض ملك طينها ومن دينها
والقرايب لمن يعينها



نفرض الفرض للمفروض
والنيل يشبه المخضوض

لكنه عاجز يبوح للضاد
ويقول انا مختار انا مروق

وهوا فين السوق او السواق..؟؟
مراكب عايشه علي ضهري تلوثني

وسكر وعربده بفلوس تجنني
تكفي صدقة المحتاجين عندي

ملوثين ارضي وفدايني
أفتحلكم اسرار كرانيشي

وورد النيل بيدمر شراييني
العبره مش في السكر



العبره في اللي سمح للبيع
مية مركب بلاها شراع

تحطم كل قلب كان بيع
واحنا للهوي خداع

العبره مش في المركب
العبره علي كان دمه صحيح متباع
يكون واطي وخده متاع
النيل كان عايق كما الشريان

لكن شفته ماهوش فايق وكمان متباع
حسيت انني النيل سكران وكمان اجير خداع

مفيش دستور ولا إحم ولا مؤخذه
كبشة أسئله بلا لازمه



الصبح يزعق بالنوارس هيه
اشوفوه يعزق بالفاس اللي هيه

وقطر البور المبور زرعتي ديه
ارض متبوره بلا جدارن
يطلع عليها نهار تكون بحيطان
بلعتها السما سره والحيتان

الصبح بيصبح تقولش جبان
شقيان علي ضل الألعوبان
بيسعي والشمس للحملان
أزاي يكون انسان أجير سكران
سكران بشر انسان !!..



باز عل ساعات !!..

لما الليل يرخي ستايره
ومفیش سؤال يساله

ولاحد فايت نكلمه
تمر الساعات طويله

والكل فاتح شفرته
للتواصل الاجتماعي
ساعات بحس انه واطي

انه جاي عميل لذاتي
بينهي ع اللي فاضل ليه

حتي الوليه اتعلمت بالعندفيه
باز عل ساعات !!..



لما ابعت رساله وتتنسي
بتحمل اسي انك فاكرني

بيعدي يوم واتنين ولا احنا هنا
التواصل الاجتماعي اهدموه

دمروا جواه وقلبه هكروه
اسرقوا حق عليكم تبعدوه

من يوم ماكل البشر استخدموه
قامت الحرب الدروس للعرب

فيه ناس للتواصل والهكر
بيفشوا كل اسرار العرب

بالمراقبه واحنا واخدينه مجادله
عاوزك صديق..!



وانت من العبط توافق
صفحتك معرضه للتجسس
وهما قافلين الصفح تخصص

عارف انك تريده للصدقه
ماهوا أجنبي اوأجنبيه،،!

وهوا شايلك بالنيابه مسؤليه
كل العرب ساعات تنتشر

فيها البلاده والشعارات
تسمع من كل الاصدقاء

انشر لعشره ولوبتحبني...!
رجعها تاني ..

ساعات بحس كوكبنا بايت حزين
الفرقه والظلم متجمين



ساعات بازعل من نفسي

واقول أي كلمتين

يريحوني من الألم...!!

قبل ماأبات حزين ..

